



Republika e Kosovës
Republika Kosovo-Republic of Kosovo
Kuvendi - Skupština - Assembly

LEGJISLATURA IV

Sesioni vjeshtor

Komisioni për Bujqësi, Pylltari, zhvillim Rural, Mjedis dhe Planifikim Hapësinor

Mbledhja nr. 132

Prishtinë, më 10.12.2013, ora 11,00

Ndërtesa e Kuvendit, salla S1 anex

PROCESVERBAL
I MBLEDHJES SË KOMISIONIT

Në mbledhje morën pjesë: Nait Hasani, Liburn Aliu, Rasim Demiri, Sevdije Lama, Afërdita Berisha-Shaqiri, Boban Todorović, Salih Morina.

Mungoi : Nijazi Idrizi, Daut Haradinaj.

Të ftuar dhe pjesëmarrës tjerë: sipas listës së nënshkruar nga pjesëmarrësit.

Stafi mbështetës i komisionit: Bajram Badivuku, Ylber Sherifi dhe Flaka Broqi.

Mbledhjen e kryesoi **Nait Hasani**, kryetar i komisionit.

Për këtë mbledhje u propozua ky rend dite :

1. Miratimi i rendit të ditës ;
2. Miratimi i Procesverbalit të mbledhjes së komisionit, të mbajtur më 3.12.2013,
3. Shqyrtimi i ankesës së banorëve të Rugovës,
4. Të ndryshme.

Kryesuesi Kryesuesi konstatoi se janë plotësuar kushtet për fillimin e punës dhe hapi mbledhjen me pikën e parë të rendit të ditës.

1. Miratimi i rendit të ditës

Rendi i ditës u miratua pa ndryshime dhe me një plotësim rreth shqyrtimit të amendamenteve për projektligjin e Kimikateve .

2. Miratimi i Procesverbalit të mbledhjes së mbajtur më 3.12.2013

Kryetari i Komisionit konstatoi se Komisioni miratoi Procesverbalin e mbledhjes së mbajtur më 3.12.2013.

3. Shqyrtimi i ankesës së banorëve të Rugovës

Kryetari Nait Hasani shkurtimisht elaboroi rreth miratimit të Ligjit për “Bjeshkët e Nemuna” kur Komisioni ka shqyrtuar të gjitha mundësitë për të pasur një Ligj sa më të mirë rreth këtij parku nacional, megjithatë disa banorë të kësaj ane duke parë se “disa të drejta ju shkurtohen rreth keqpërdorimeve në pyjet tona” kanë kërkuar rishikimin e ligjit në fjalë edhe pse nuk është plotësuar kushti ligjor që kërkon 10.000 nënshkrime (janë vetëm 5.528 nënshkrime), gjithashtu sqaroi procedimin e pyetjeve nga Ombudspersoni të cilave Komisioni ju është përgjigjur me kohë. MMPH me udhëzim administrativ banorëve të kësaj ane ju ka lejuar 12 metra kub dru për sezonin dimëror, mirëpo megjithatë pyjet vazhdimisht shkatërrohen, përfundoi.

Salih Morina pa marr parasysh që Ligji ka fillua të zbatohet, për shkak të këtyre ankesave sugjeroi që Komisioni të caktoj ditën e debatit me këta ankues ngase qytetarët e kësaj ane si duket nuk kuptojnë si duhet ca termine p.sh. çka është zona strikte etj.

Liburn Aliu rreth kësaj “bujë të madhe” si tha ai, sugjeroi të mbahet një takim i propozuar nga Salih Morina, pa marr parasysh a ka nënshkrime të mjaftueshme, a janë ato nënshkrime false etj. Ky Ligj sipas tij prek vetëm interesat e APK, kompanive dhe qytetarëve të cilët janë mësuar të shfrytëzojnë pyjet pa ndonjë kufi.

Afërdita Berisha gjithashtu u pajtua për një takim me këta banorë por kryesisht me ata që janë të painformuar.

Sevdije Lama pyeti a është në kundërshtim Ligji i miratuar me 32.000 hektarët që ceken në ankesën e këtyre banorëve dhe a është fakt në bazë të së cilës janë ngrit këta banorë në protesta, dhe nëse vizitohet kjo anë, ku duhet me shkua dhe me kend duhet të takohet komisioni, gjithashtu ajo shtoi se pas miratimit të Ligjit për këtë park nacional menjëherë është vërejtur gjendja më e mirë e pyjeve gjatë këtij viti.

Salih Morina sqaroi se Komisioni nuk mundet të takohet me 5000 nënshkrues por takimi duhet të bëhet me përfaqësues të nënshkruesve.

Kryetari Nait Hasani me sugjerimin e anëtarëve të komisionit caktoi mbledhjen e radhës më 17 dhjetor kur do të ftohen : përfaqësuesit e pronarëve të zonës së Rugovës, Agjencia për privatizim, Agjencia e mjedisit dhe Drejtori i parkut në Pejë si dhe Fatos Lajqi-ekspert. Gjithashtu për mbledhjen e radhës është caktuar pika ku do të flitet për buxhetin e dy ministrive (MB dhe MMPH) për vitin vijues ku do të ftohet përfaqësuesi i GIZ.

4. Të ndryshme

Në këtë pikë të rendit të ditës u miratuan amendamentet e GP për Projektligjin për Kimikate, të cilat do të procedohen Komisioneve të përhershme, si vijon :

Amendamenti 1

Neni 3

Paragrafi 1.20, pas shkurteses „(GLP)” shtohet “ **Good Laboratory Practices**” dhe fshihet fjala “**përformuara**”.

Nenparagrafi 1.29 fjala „**biologjok**” zëvendësohet me “**biologjik**”

Nënparagrafi 1.38. “Atorizimi” zëvendësohet me “Autorizimi”

Amendamenti 2

Neni 8

Nenparagrafi 1.8, pas shkurteses “**STOT**” ne kllapa shtohet “ **Specific Target Organ Toxicity**)

Amendamenti 3

Neni 9

Nënparagrafi 1.1. dhe 1.2. fjala “**ambientin**” zëvendësohet me “**mjedisin**”

Paragrafi 3 pas shkurtesës “**PBT**” shtohet “ **Persistent Bio-accumulative and Toxic**”

Paragrafi 4 pas shkurtesës “**vPvB**” shtohet “**very Persistent and very Bioaccumulative**”

Amendamenti 4

Neni 10, riformulohet si vijon:

“Substancat dhe përzierjet me veti të rrezikshme për shtresën e ozonit janë ato që dëmtojnë shtresën e ozonit.”

Amendamenti 5

Neni 12, Nenparagrafi 1.9.

Pas shkurtesës **“ECHA”** shtohet **“European Chemicals Agency”**

Amendamenti 6

Neni 17, paragrafi 2 , **”5-10”** zëvendësohet me **”10”**

Nenparagrafi 3.5 ndahet në dy nenparagrafe

3.5. planin e veprimeve për zbatimin e strategjisë dhe

3.6. burimet e mundshme financiare.

Amendamenti 7

Neni 19, paragrafi 1, fjala **„paragrafit 21”** zëvendësohet me **”nënparagrafit 1.19”**

Amendamenti 8

Neni 21, paragrafi 3, në fund pas fjales **“nenit 33”** shtohet **”dhe paragrafin 1 të nenit 36”** dhe vazhdon teksti.

Amendamenti 9

Neni 24, paragrafi 1

„nënparagrafit 21 paragrafi 1, i” zëvendësohet me **”nënparagrafit 1.19 të”**

Amendamenti 10

Neni 29 riformulohet si vijon,

1. Prodhuesit e substancave dhe përzierjeve të rrezikshme kryejnë testimet dhe vlerësimet e kimikateve sipas metodave bashkëkohore, në përputhje me njohuritë shkencore dhe teknike.
2. Testimet në shtazë për vlerësimin e kimikateve të reja sipas Direktivës 86/609/EEC e zavendësuar nga Direktiva 2010/63/EU, bëhen vetëm në rastet kur nuk ka alternativa të tjera të testimit për klasifikimin e kimikateve në baza shkencore.
3. Ndalohen testimet në njerëz sipas këtij Ligji, por për nevoja, Ministria mund të përdorë të dhëna nga burime të tjera, nga studimet klinike, në bashkëpunim me Ministrinë e Shëndetësisë, Institutin kombëtar të shëndetit publik dhe Institutin e Veterinës.

Amendamenti 11

Neni 30, riformulohet si vijon,

1. Testet për përcaktimin e vetive të substancave dhe përzierjeve kryhen sipas metodave të testimit të përcaktuara në Rregulloren (EC) Nr. 440/2008.
2. Metoda të tjera të testimit mund të përdoren nëse asnjë prej metodave nuk është specifikuar në paragrafin 1, të këtij neni;
3. Në qoftë se janë përdorur metoda të tjera për testim, prodhuesi tregon dhe vërtetonë se këto metoda:
 - 3.1. prodhojnë rezultate të vlefshme dhe
 - 3.2. marrin parasysh mbrojtjen e shtazëve në rastin e testeve të tyre.
4. Testimet jo-klinike që kanë si qëllim përcaktimin e vetive të kimikateve të rrezikshme për shëndetin apo mjedisin, duhet të kryhen në përputhje me parimet e Praktikave të Mira Laboratorike (GLP), të përcaktuara në Direktivën 2004/10/EC

5. Nëse testimet nuk janë bërë sipas rregullave të GLP ose nuk përputhen plotësisht me to, personi i cili paraqet raportet e testimit duhet të bëjë të ditur arsyet e një përzgjedhje të tillë.
6. Studime ose teste të reja të kimikateve të rrezikshme në shtazë që kanë për qëllim mbledhjen e të dhënave për klasifikimin e substancave ose përzierjeve bëhen vetëm në rast se nuk ka mënyra të tjera për të siguruar informata të duhura, për vlerësimin e kimikateve. Për këto teste testimet në shtazë bëhen me Leje të veçantë nga Ministria në bashkpunim me Komisionin Evropian nën kushte të posaçme.
7. Për klasifikimin e substancave dhe përzierjeve përdoren edhe të dhënat e tjera që merren nga testimet e bëra në njerëz, siç janë; nga analizat për nevojat e gjykatave ose nga analiza klinike, që janë bërë për qëllime të tjera.
8. Ministria vendos për pranimin e rezultateve të testimit si të vlefshme, pas konsultimit me Agjensinë Evropiane të Kimikateve (ECHA) për vlerësim.
9. Për vlerësimin e vetive fizike, toksikologjike dhe ekotoksikologjike të kimikateve, Ministria me akte nënligjore përcakton metodat për testimin e substancave dhe përzierjeve të rrezikshme:
- 9.1. Ministria me akt nënligjor përcakton Metodën për përcaktimin e vetive fizike;
 - 9.2. Ministria me akt nënligjor përcakton metodat për përcaktimin e toksicitetit dhe efekteve tjera shendetësore;
 - 9.3. Ministria me akt nënligjor përcakton Metodën për përcaktimin e ekotoksicitetit.

Amendamenti 12

Neni 33, paragrafi 2, pas fjales “që” në rreshtin e dytë shtohet fjala “Lista”

Amendamenti 13

Neni 34, riformulohet titulli i nenit dhe paragrafi 1.

Kërkesat specifike për Listën teknike të sigurisë për kimikatat

1. Prodhuuesi, importuesi, eksportuesi, furnizuesi apo shpërndarësi është detyruar të pajis marrësit apo përdoruesit e kimikateve me **kërkesat specifike në** Listën teknike të sigurisë për kimikatat edhe nëse kimikati nuk i plotëson kriteret për klasifikim si i rrezikshëm, por përmban:

Amendamenti 14

Neni 43, paragrafi 1, në rreshtin e parë dhe të tretë fshihet fjala „nuk”

Amendamenti 15

Në titullin e **nenit 44** lidhëza “i” zëvendësohet me “e”

Paragrafi 1 dhe paragrafi 3 fjalia “regjistrin e kimikateve” zëvendësohet me “ regjistrin e përgjithshëm për kimikate”

Paragrafi 3, në rreshtin e dytë pas fjales “regjistrohen” shtohet lidhëza “edhe”

Paragrafi 4, fshihet fjala “respektivisht”

Paragrafi 5, në fund pas fjales “kimikate” shtohet lidhëza “që”

Nenparagrafi 6.5, fshihet fjala “shënimi”

Amendamenti 16

Neni 47, nenparagrafi 1.4. fjala “Fletës” zëvendësohet me “Listës”

Amendamenti 17

Neni 48, paragrafi 4, në fund pas fjales “përcaktohet” shtohet “ me akt nënligjor”

Amendamenti 18

Neni 49, paragrafi 8, riformulohet si vijon:

“Vendimi nga paragrafi 6, i këtij neni është përfundimtar dhe për kundërshtimin e tij duhet të inicohet konflikti administrativ në gjykatën themelore, në afat kohor prej 30 ditëve nga dita e pranimit të vendimit përfundimtar.”

Amendamenti 19

Neni 50, paragrafi 7 riformulohet si vijon:

“Vendimi nga paragrafi 6, të këtij neni është përfundimtarë dhe për kundërshtimin e tij duhet të inicohet konflikti administrativ në gjykatën themelore në afat kohor prej 30 ditëve nga dita e pranimi të vendimit përfundimtar .”

Amendamenti 20

Kreu VII dhe VIII bashkohen dhe riformulohen si vijon:

KREU VII

”VENDOSJA NË TREG, PRODHIMI, PËRDORIMI DHE MAGAZINIMI , NDALIMET DHE KUFIZIMET PËR KIMIKATEVE TË RREZIKSHME”

Neni 51, paragrafi 1, në rreshtin në katërt fshihet fjala **”respektivisht”**

Amendamenti 21

Neni 54, nenparagrafi 2.3. riformulohet si vijon: **“përshkrimin e procesit të prodhimi për prodhuesit”**

Amendamenti 22

Neni 55, paragrafi 3 “

”60 ditëve kalendarike” zëvendësohet me **“30 ditëve pune”**

Amendamenti 23

Neni 56, nenparagrafi 2.4, pas fjales **“përdorimin”** shtohet **“dhe trajtimin”**

Amendamenti 24

Neni 58, paragrafi 2, në rreshtin e dytë pas fjales **“kushte”** shtohet **“të veçanta”**

Paragrafi 3, fjalia “do të anulohet Lejen” zëvendësohet me **” Leja do të anulohet”**

Paragrafi 6, riformulohet si vijon:

“Kundër përgjigjes me vendim nga paragrafi 5i këtij neni, mund të inicohet konflikti administrativ në gjykatën themelore, në afat kohor prej 30 ditëve nga dita e pranimi të vendimit përfundimtar.”

Amendamenti 25

Neni 59, paragrafi 2, fshihet fjala **“/regjistrir”**

Amendamenti 26

Neni 60 nenparagrafi 1.2. lidhëza **“i”** zëvendësohet me **“të”**

Pas paragrafit 7 shtohet **paragrafi 8,** si vijon:

“Substancat dhe përzierjet kimike që plotësojnë kushtet të vlerësohen si mbeturina, do të trajtohen sipas ligjit për mbeturina.”

Amendamenti 27

Neni 61, paragrafi 2, fshihen **“Nr. 03/L-042”** dhe **“Nr. 03/L-119”**

Amendamenti 28

Neni 62, paragrafi 7 në fund pas fjales **“Ministria”** shtohet **“me akt nënligjor”**

Amendamenti 29

Neni 68, paragrafi 7 riformulohet si vijon:

“Kundër vendimit të Ministrisë, pala e pakënaqur ka të drejtë të iniciojë konflikt administrativ në gjykatën themelore, në afat kohor prej 30 ditëve nga dita e pranimi të vendimit përfundimtar”

Amendamenti 30

Neni 70, paragrafi 4 riformulohet si vijon:

“Kundër vendimit të Ministrisë, sipas paragrafit 3 të këtij neni, pala e pakënaqur ka të drejtë të iniciojë konflikt administrativ në gjykatën themelore, në afat kohor prej 30 diteve nga dita e pranimit të vendimit përfundimtar”

Amendamenti 31

Neni 73, paragrafi 2 ne fund pas fjalës “akredituar” shtohet “në Minsitrinë përkatëse”

Amendamenti 32

Neni 77, paragrafi 1, pas fjales “AUV” shtohet “si qendra të kontrollit” dhe vazhdon teksti.

Paragrafi 4,

Ne rreshtin e parë fjala ”e caktuara” zëvendësohet me ” në dispozicion”

Amendamenti 33

Neni 84, nenparagrafi 1.1 fshihet fjala “”shënohen/”

Amendamenti 34

Neni 89 riformulohet si vijon:

1. Sipas këtij Ligji, dënohet për kundërvajtje me gjobë në të holla në vlerë prej:

1.1. njëqind (100) deri në pesëqind (500) Euro, nëse bëhet vendosja në treg apo shitja e kimikateve të rrezikshme në treg nga personat nën moshën 18 vjeç dhe nese kimikatet u shiten personave nën moshën 18 vjeç sipas paragrafit 3 te nenit 13;

1.2. pesëqind (500) deri në dymijë (2.000) Euro, nëse prodhuesi, importuesi, shitësi dhe përdoruesi i kimikateve nuk zbaton ndalimin, ose kufizimin e kimikateve sipas paragrafit 4 të nenit 13;

1.3. njëmijë (1.000) deri në pesëmijë (5.000) Euro, nëse personat që i vendosin substancat e rrezikshme dhe përzierjet në treg dhe ato nuk janë të klasifikuara, paketuara dhe etiketuara në përputhje me dispozitat e këtij Ligji dhe me aktet nënligjore që dalin nga ky Ligj, sipas paragrafit 1 të nenit 18 dhe paragrafit 1 të nenit 20;

1.4. pesëqind (500) deri në dymijë (2.000) Euro, nëse prodhuesi, importuesi dhe përdoruesi i një substance ose përzierje nuk vlerëson informatat e identifikuar, në përputhje me kriteret për klasifikimin dhe përcaktimin e rrezikut që ndërlihet me substancën apo përzierjen përkatëse, sipas paragrafit 2 të nenit 20;

1.5. pesëqind (500) deri në dymijë (2.000) Euro, nëse paketimin e kimikateve nuk e bëjnë në mënyrë të përshtatshme, ashtu që substancat dhe përzierjet brenda paketimit të mos paraqesin ndonjë rrezik për njerëzit dhe mjedisin gjatë ruajtjes, magazinimit apo transportit sipas paragrafi 1 të nenit 23;

1.6. njëmijë (1.000) deri në dymijë (2.000) Euro, nëse kimikatet e rrezikshme i vendosin në treg dhe të cilat nuk janë të paketuara në ambalazhe dhe paketime adekuatë të specifikuar në dispozitat e këtij Ligji sipas paragrafit 1 të nenit 24;

1.7. njëmijë (1.000) deri në dymijë (2.000) Euro, nëse nuk e bëjnë mbylljen e shtrëngueshme dhe nuk vendosin shenjat e prekshme, për kimikatet e rrezikshme për të mbrojtur fëmijët dhe të verbërit sipas paragrafit 2 të nenit 24;

1.8. njëmijë (1.000) deri në dymijëpesëqind (2.500) Euro, nëse në njësinë paketuese të destinuar për shitje me pakicë, e cila përmban kimikate të rrezikshme, i është dhënë forma, pamja që shkakton kureshtje dhe tërheqë fëmijët ose konsumatorin, ose gjason me pamjen dhe formën e ushqimeve për njerëz, kafshë ose medikamente mjekësore ose kozmetike, sipas paragrafit 3 të nenit 24;

1.9. njëmijë (1.000) deri në dymijë (2.000) Euro, nëse prodhuesi, importuesi, furnizuesi nuk ka siguruar që paketimi i substancave ose përzierjeve të cilat i shesin apo shpërndajnë për palen e tretë, të jenë të etiketuara në mënyrë të qartë dhe sipas nenit 27 dhe paragrafit 2 të nenit 25;

1.10. njëmijë (1.000) deri në dymijë (2.000) Euro, nëse prodhuesi dhe importuesi, gjatë furnizimit me substanca ose përzierje të rrezikshme për personat e tretë, nuk siguronë që secili paketim të jetë i etiketuar në mënyrë të qartë dhe të përherëshme dhe të përmbajnë informatat e specifikuara sipas paragrafit 2 të nenit 27;

1.11. pesëqind (500) deri në njëmijepesëqind (1.500) Euro, nëse treguesit, si "nuk është helmuese", "nuk është e dëmshme", apo treguesit të tjerë të ngjashëm janë vendosur në paketim të substancave apo përzierjeve të rrezikshme sipas paragrafit 4 të nenit 27;

1.12. njëmijë (1.000) deri në dymijë (2.000) Euro, nëse për çdo njësi të paketimit të kimikateve të rrezikshme, së bashku me të, nuk ofrohen udhëzimet për përdorim në gjuhët zyrtare sipas paragrafit 6 të nenit 27;

1.13. njëmijë (1.000) deri në tremijë (3.000) Euro, nëse etiketimi i substancave nuk përputhet me kërkesat e specifikuara sipas paragrafit 8 të nenit 27;

1.14. dymijë (2.000) deri në pesëmijë (5.000) Euro, nëse personi bën çfarëdo reklamimi të substancave kimike që i takojnë një apo më shumë kategorive të specifikuara si të rrezikshme nga neni 6 dhe nuk ceken qartë kategoritë e rrezikut sipas nenit 7,8,9,10, si dhe paragrafit 1 të nenit 28;

1.15. pesëqind (500) deri në tremijë (3.000) Euro, nëse për kimikatet të cilat mund të blihen pa etiketë nga ana e publikut të gjërë, gjatë reklamimit të tyre, paraprakisht nuk jepen dhe tregohen në një fletë të veçantë apo me fjalë, të dhëna për vetitë e tyre të rrezikshme në mënyrë të kuptueshme, të qartë dhe të lexueshme, sipas paragrafit 2 të nenit 28;

1.16. pesëqind (500) deri në tremijë (3.000) Euro, nëse gjatë reklamimit të kimikateve japet përshtypje e gabuar lidhur me rreziqet që ato paraqesin për shëndetin e njeriut dhe mjedisin ose për pranueshmërinë e tyre mjedisore, dhe ato do të inkurajojnë përdorimin, trajtimin ose asgjësimin e tyre në mënyrë të papërshtatshme, sipas paragrafit 3 të nenit 28;

1.17. njëmijë (1.000) deri në tremijë (3.000) Euro, nëse personi do të përdorë terma të tillë si "i degradueshëm", "ekologjikisht i padëmshëm", "miqësor me mjedisin" dhe "miqësor me-ujë" në reklama por vetitë e përshkruara kështu, nuk janë në të njëjtën kohë të shpjeguara në detaje sipas paragrafit 4 të nenit 28;

1.18. pesëqind (500) deri në tremijë (3.000) Euro, nëse furnizuesit e substancave të rrezikshme dhe përzierjeve të caktuara, të cilat nuk janë të rrezikshme, por të cilat

përmbajnë së paku një substancë të klasifikuar si të rrezikshme, nuk i kanë theksuar vetitë e rrezikshme të saj, kur ajo reklamohet, dhe reklamimi i saj bëhet në atë mënyrë që të fshehin vetitë e rrezikshme të asaj substance nga përdoruesit dhe publiku, sipas **paragrafit 5 të nenit 28**;

1.19. pesëmijë (5.000) deri në pesëmbëdhjetëmijë (15.000) Euro, nëse prodhuesit e substancave dhe nuk sigurojnë që zhvillimi i testimeve, metodave të testimit dhe vlerësimet e rezultateve të testit janë në përputhje me gjendjen aktuale të njohurive shkencore dhe teknike, sipas **paragrafit 1 të nenit 29**;

1.20. pesëmijë (5.000) deri në pesëmbëdhjetëmijë (15.000) Euro, nëse personi zhvillon testimet e kimikateve të rrezikshme, që janë të ndaluara në qenie shtazore, sipas **paragrafit 2 të nenit 29**;

1.21. pesëmijë (5.000) deri në dhjetëmijë (10.000) Euro, nëse personi zhvillon testimet në njerëz që janë të ndaluara sipas **paragrafit 3 të nenit 29**;

1.22. pesëmijë (5.000) deri në dhjetëmijë (10.000) Euro, nëse testet për përcaktimin e vetive të substancave dhe përzierjeve nuk kryhen në përputhje me metodat e testimit të përcaktuara në Rregulloren (EC) Nr 440/2008 sipas paragrafit 1 të nenit 30, me përjashtim të **paragrafit 2 të nenit 30**;

1.23. pesëmijë (5.000) deri në dhjetëmijë (10.000) Euro, nëse testimet e caktuara nuk përputhen me parimet GLP, personi i cili paraqet raportet e testimit dhe nuk deklaron arsyet sipas **paragrafi 5 të i nenit 30**;

1.24. pesëmijë (5.000) deri në dhjetëmijë (10.000) Euro, nëse laboratorit bënë testimet e kimikateve të rrezikshme pa i plotësuar kushtet për zbatimin e GLP sipas **paragrafit 2 të nenit 31**;

1.25. pesëmijë (5.000) deri në njëzetëmijë (20.000) Euro, nëse nuk sigurohet Lista teknike për siguri nga kimikatet nga prodhuesi, importuesit dhe furnizuesi, sipas **paragrafit 1 të nenit 33**;

1.26. dhjetëmijë (10.000) deri në tridhjetëmijë (30.000) Euro, nëse personi që plotëson Listën teknike të sigurisë për kimikate, nuk jep informacionet e duhura për të informuar përdoruesin e saj për rreziqet që mund t'i shkaktoj një substancë ose përzierje, dhe nuk japin informacion mbi trajtimin, deponimin dhe asgjësimin e sigurt të substancës apo përzierjes, sipas **paragrafit 2 të nenit 33**;

1.27. njëmijë (1.000) deri në tremijë (3.000) Euro, nëse të dhënat e Listës teknike të sigurisë për kimikatet nuk korrespondojnë me të dhënat në Raportin për sigurinë kimike dhe me ato të skenarit të ekspozimit, sipas **paragrafit 5 të nenit 33**;

1.28. pesëqind (500) deri në njëmijë (1.000) Euro, nëse të dhënat në Listën teknike të sigurisë nga kimikatet nuk paraqiten në gjuhët zyrtare të Republikës së Kosovës, sipas **paragrafit 7 të nenit 33**;

1.29. dhjetëmijë (10.000) deri në tridhjetëmijë (30.000) Euro, nëse prodhuesi, eksportuesi osfurnizuesi nuk i siguron për marrësit apo përdoruesit, Listën teknike për siguri nga kimikatet, edhe kur përzierja nuk i plotëson kriteret për klasifikim si e rrezikshme, sipas **nenit 34**;

1.30. **njëmijë (1.000) deri në tremijë (3.000) Euro, nëse** prodhuesi, eksportuesi ose furnizuesi, nuk bënë rifreskimin e përmbajtjes së Listën teknike të sigurisë për kimikate, kur ajo është e nevojshme duke përfshirë edhe rastet kur ndalohej ose kufizohet prodhimi, vendosja në treg ose përdorimi i tyre, nuk i njofton të gjithë përdoruesit, si dhe nuk shënon datën e ndryshimit të bërë **sipas nenit 36;**

1.31. **njëmijë (1.000) deri në dymijë (2.000) Euro, nëse** përdoruesi profesional ose tregtari nuk ruan Listën teknike të sigurisë për kimikate, për aq kohë sa substanca ose përzierjet e caktuara të vazhdojnë të trajtohen dhe perdoren në vendin e punës **sipas nenit 37;**

1.32. **njëmijë (1.000) deri në tremijë (3.000) Euro, nëse** personat që vendosin në treg kimikate të rrezikshme nuk e hartojnë Raportin e sigurisë nga kimikate, i cili përmban vlerësimin e sigurisë kimike në përputhje me kërkesat sipas Aneksit I të Rregullores (EC) Nr 1907/2006, për çdo substancë në vete, ose në përzierje, apo për një grup të substancave, **sipas paragrafit 1 të nenit 38;**

1.33. **njëmijë (1.000) deri në tetëmijë (8.000) Euro, nëse** prodhuesi, importuesi i substancave dhe përzierjeve nuk njofton Ministrinë dhe nuk dorëzonë kërkesë për regjistrim të substancave dhe përzierjeve në Ministri **sipas neni 43;**

1.34. **njëmijë (1.000) deri në tremijë (3.000) Euro, nëse** prodhuesi, importuesi ose përdoruesi i cili është i obliguar t'i dergojë informatat në Ministri, nuk i dërgojnë ato deri më 31 mars të vitit vijues për sasinë e prodhuar, importuar të kimikateve për vitin e kaluar, **sipas paragrafit 1 të nenit 44;**

1.35. **tremijë (3.000) deri në tetëmijë (8.000) Euro, nëse** prodhuesi, importuesi dhe përdoruesi nuk i përmbahen masave për reduktimin e rrezikut nga **paragrafi 2 dhe 3 të nenit 46;**

1.36. **njëmijë (1.000) deri në tremijë (3.000) Euro, nëse** prodhuesit ose importuesit nuk njoftojnë Ministrin për çdo ndryshim për të dhënat e futura në regjistrin e kimikateve **sipas nenit 47;**

1.37. **njëmijë (1.000) deri në tremijë (3.000) Euro, nëse** prodhuesit ose importuesit nuk mbajnë evidencë për kimikate të rrezikshme **sipas nenit 48;**

1.38. **njëmijë (1.000) deri në tremijë (3.000) Euro, nëse** prodhuesi, importuesi ose përdoruesi i kimikateve të rrezikshme nuk njofton Ministrinë për përdorimin e emrit alternativ të substancës së rrezikshme që gjindet në përzierje, **sipas paragrafit 2 të nenit 50;**

1.39. **tremijë (3.000) deri në tetëmijë (8.000) Euro, nëse** prodhuesi, importuesi dhe përdoruesi i substancave, përzierjeve dhe produkteve nuk i përmbahet kufizimeve dhe ndalimit sipas dispozitave të nxjerra nga organi kompetent **sipas nenit 51 dhe 52;**

1.40. **tremijë (3.000) deri në tetëmijë (8.000) Euro, nëse** vendosja e kimikateve të rrezikshme në treg bëhet nga personat të cilët nuk janë të pajisur me leje për qarkullimin e kimikateve, **sipas paragrafit 1, 2, 3 dhe 4, të nenit 53;**

1.41. **njëmijë (1.000) deri në tremijë (3.000) Euro, nëse** nuk i përmbushë kushtet themelore për ruajtjen e kimikateve të rrezikshme në një objekt të përgatitur për magazinimin e kimikateve, **sipas paragrafit 5 të nenit 53;**

1.42. **njëmijë (1.000) deri në tremijë (3.000) Euro, nëse** poseduesi i lejes nuk i përmbahet kushteve për të cilat është lëshuar leja për qarkullimin e kimikateve sipas **paragrafit 1,2, 3 dhe 4 të nenit 58;**

1.43. **njëmijë (1.000) deri në tremijë (3.000) Euro, nëse** poseduesi i lejes për qarkullimin e kimikateve të rrezikshme nuk mbanë evidencëm për kimikatet e rrezikshme dhe nuk raporton në MMPH, sipas **paragrafit 1 të nenit 59;**

1.44. **njëmijë (1.000) deri në tremijë (3.000) Euro, nëse** substancat dhe përzierjet e rrezikshme nuk mbahen dhe ruhen mirë në përputhje me llojin e rrezikut që mund të shkaktohet nga ndikimet e jashtme, nga palët e pa autorizuar, apo të shkaktoj konfuzion për ngjashmëri me mallrat e konsumit të përgjithshëm, veçanërisht me ushqime sipas **paragrafit 1 të nenit 60;**

1.45. **njëmijë (1.000) deri në tremijë (3.000) Euro, nëse** substancat dhe përzierjet e rrezikshme nuk janë qartësisht të identifikueshme që gjatë ruajtjes në magazina nuk mbahen të ndara nga mallrat e tjera sipas **paragrafit 4 të nenit 60;**

1.46. **pesëqind (500) deri në tremijë (3.000) Euro, nëse** substancat dhe përzierjet e rrezikshme të cilat janë të furnizuara ruhet në enë ose paketime që shkaktojnë huti për shkak të ngjashmërisë me paketimet e produkteve ushqimore, kozmetike, produktet terapeutike ose ushqimin e kafshëve sipas **paragrafit 7 të nenit 60;**

1.47. **njëmijë (1.000) deri në tremijë (3.000) Euro, nëse** eksportuesit dhe importuesit e kimikateve ose përzierjeve nga nenet 63,64 dhe 65 të këtij Ligji nuk dërgojnë në Ministri të dhënat me kohë për sasi të eksportuara dhe importuara të kimikateve dhe përzierjeve të caktuara, për shtetet nga të cilat janë importuar ose eksportuar dhe shënimet për eksportuesin dhe importuesin e kimikateve sipas **paragrafit 1, 2 dhe 4 të nenit 65;**

1.48. **njëmijë (1.000) deri në tremijë (3.000) Euro, nëse** eksportuesi i kimikateve dhe përzierjeve nuk i dërgon informatat në Ministri, për nevojat e organit kompetent të shtetit nëpër teritorin e të cilit zhvillohet tranziti i substancave dhe përzierjeve në kohën e caktuar sipas **paragrafit 1 të nenit 66;**

1.49. **njëzetëmijë (20.000) deri në tridhjetëmijë (30.000) Euro, nëse** personat që importojnë dhe eksportojnë substancat dhe përzierjet, përdorimi i të cilave është i ndaluar me qëllim për të mbrojtur shëndetin e njeriut dhe mjedisin sipas **paragrafit 1 dhe 2 të nenit 67;**

1.50. **shtatëmijë (7.000) deri në njëzetëmijë (20.000) Euro, nëse** eksportohen kimikatet e rrezikshme që afati i përdorimit iu skadon 6 muaj pasi të eksportohen apo importohen sipas **paragrafit 3 të nenit 67;**

1.51. **pesëmijë (5.000) deri në tetëmijë (8.000) Euro, nëse** prodhuesi dhe importuesi i detergjenteve nuk nxjerr Leje para se të vendosë në treg detergjentin që plotëson kushtet nga paragrafi 1 të nenit 69 dhe sipas **paragrafit 1 të nenit 70;**

1.52. **pesëmijë (5.000) deri në dhjetëmijë (10.000) Euro, nëse** nuk e tërheq nga tregu në afatin e caktuar detergjentin apo substancën tension-aktive për të cilin do të kërkohet ndalimi i përdorimit sipas **paragrafit 2 të nenit 70;**

1.53. pesëmijë (5.000) **deri në dhjetëmijë (10.000) Euro, nëse** bartësi i Lejes nuk iu përmbahet kushteve për të cilat është lëshuar Leja për vendosjen e detergjenteve në treg sipas paragrafit 4 të nenit 71;

1.54. dymijë (2.000) **deri në pesëmijë (5.000) Euro, nëse** prodhuesi i detergjenteve nuk i ruan rezultatet nga shqyrtimet e kryera në laborator sipas paragrafit 1 të nenit 74;

1.55. pesëmijë (5.000) **deri në dhjetëmijë (10.000) Euro, nëse** prodhuesi i detergjenteve nuk mbanë Regjistrin e komponentave që përmban detergjenti i caktuar dhe nuk i ruan shënimet për kohë të caktuar si dhe nuk i bënë ato publike sipas paragrafit 3 të nenit 74;

1.56. dymijë (2.000) **deri në pesëmijë (5.000) Euro, nëse** prodhuesi, importuesi dhe përdoruesi i kimikateve të rrezikshme nuk e emëron /siguron personin profesional për kimikate për mes kontratës, të siguroj një person fizik ose juridik përgjegjës për të dhënë këshilla lidhur me rregullat ligjore dhe standardet teknike për menaxhimin e kimikateve sipas paragrafit 1 dhe 2 të nenit 78;

1.57. dymijë (2.000) **deri në pesëmijë (5.000) Euro, nëse** personin profesional për kimikate nuk posedon kualifikimin e nivelit univerzitar të degëve dhe të fushave të caktuara sipas paragrafit 3 të nenit 78;

1.58. **tremijë (3.000) deri në dhjetëmijë (10.000) Euro, nëse** personat fizik dhe juridik nuk i mundësojnë inspektorit mbikëqyrjen pa pengesa për marrjen e shënimeve dhe informatave të duhura apo kërkuara dhe mostrave sipas paragrafit 1 të nenit 81 dhe 87.

2. Personat përgjegjës të personave juridik do të ndëshkohen me gjobë në vlerë prej **njëqindë (100) deri në njëmijë (1.000) Euro.**

3. Personat që shkelin parimin e konfidencialitetit, nga paragrafi 6 neni 49 i këtij Ligji edhe pasi t’iu ketë mbaruar punësimi, do të gjobitet për kundërvajtje në vlerë prej **njëqindë (100) deri në njëmijë (1.000) Euro.**

4. Për kundërvajtje nga paragrafi 1 i këtij neni, personit juridik, përkrah denimit në të holla me qëllim të marrjes së masave për siguri nga kimikatet, mund ti ndalohet edhe veprimtaria deri në 5 vite.

5. Për kundërvajtje nga paragrafi 1 i këtij neni, me qëllim të marrjes së masave për siguri nga kimikatet, personit përgjegjës i personit juridik i ndalohet veprimtaria deri në 10 vite.

Amendamenti 35

Neni 90, riformulohet si vijon:

“Strategjia për menaxhimin e kimikateve do të hartohet nga Ministria dhe aprovohet Qeveria”

Amendamenti 36

Neni 91, riformulohet si vijon:

“Qeveria e Kosovës me propozim të Ministrisë do të miratoj Planin nacional të sigurisë nga kimikatet në afat prej 4 vitesh nga dita e miratimit të këtij Ligji.”

Amendamenti 37

Neni 92, riformulohet si vijon;

“Qeveria dhe Ministria janë të detyruara që të gjitha aktet nënligjore të cilat dalin nga ky Ligj, t’i nxjerrin në afat prej 3 vite nga data e aprovimit të këtij Ligji.”

Amendamenti 38

Neni 94, riformulohet si vijon:

- 1. Me miratimin e këtij Ligji, shfuqizohet Ligji për Kimikate Nr. 02/L-116 shpallur me Rregulloren e UNMIK-ut nr. 2008/8 dhe çdo dispozitë tjetër që rregullon fushën e kimikateve të rrezikshme dhe është në kundërshtim me dispozitat e këtij Ligji.**
- 2. Perjashtim nga paragrafi 1 i këtij Neni , ben: udhezimi adminsitrativ nr. 10/2010 per listen teknike te sigurise per kimikatet dhe menyren e plotesimit te saje, qe mbetet në fuqi deri në nxjerrjen e aktit te ri.**

Amendamenti 39

Neni 95, ne fund pas fjales „Administrative” fshihet pjesa tjeter „përveç kur përcaktohet ndryshe me këtë Ligj.”

Komisioni në fund vendosi për të drekuar në restorantin LIBURNIA menjëherë pas mbledhjes.

Mbledhja përfundoi në orën 12,00.

Përgatitur nga:

Njësia për Mbështetjen e Komisionit

Kryetari i Komisionit,
Nait Hasani